

**Прп. Никона, игумена Радонежского, ученика прп. Сергия.
На Велицей вечерни:**

На Господи, воззвах: стихиры на 8, глас 6. Подобен «Все отложше»

1. Стих: Из глубины воззвах к Тебе, Господи, / Господи, услыши глас мой.

Весь от юности Господу возложился еси, / Никоне преподобне, / земную красоту и славу в ничтоже вменив, / Христа единого возлюбил еси, / и, Того крест на рамена взем, / Божественне вооружився, / Лавры великаго Сергия постигл еси, / и от него посылаемь бываеши / к духовному настоятелю Афанасию, / и тамо желаемых тобою от него сподобляеши. / И ныне на Небесех со Ангелы Троице предстои. / Никоне отче наш, // моли спастися душам нашим.

2. Стих: Да будут уши Твои / внимлюще гласу моления моего.

Страшное Христово пришествие / в сердца твоим приим, Никоне преподобне, / разумно мимотекущих жития уступил еси: / и, славу маловременную презрев, / молчание восприял еси: / на земли бо мужески подвизался еси / и плоть потщался еси покорити духу, / душу же и ум от страстей очистив, / ревновал житию великаго Сергия. / С нимже ныне на Небесех Престолу Владыки всех предстоиши, // со дерзновением моляся о душах наших.

3. Стих: Аще беззакония назриши, Господи, Господи, кто постоит; / яко у Тебе очищение есть.

Преподобне отче Никоне, / измлада возлюбив доброту Владычню / и к Тому желание невозвратно имея, / отечество и род оставил еси; / богатство и славу возненавидев, / Христу единому последовал еси; / равноангельно во обители Пресвятыя Троицы пожив, / ограду монашествующим создал еси. / И ныне на Небесех со Ангелы Троице предстоиши, / Никоне преподобне, / со дерзновением моляся о душах наших.

Ины стихиры, глас 4. Подобен «Званный свыше»:

4. Стих: Имене ради Твоего потерпех Тя, Господи, потерпе душа моя в слово Твое, / упова душа моя на Господа.

Егда Божественное рачение найде на тя, / блаженне Никоне, / тогда, мирская мудрования далече отринув, / к Божественному Сергию притекл еси, / и от него наставляемь, / посылаеши в монастырь, Высокое нарицаемо, / к того ученику Афанасию; / и тамо образа монашескаго и священства сподобляеши, / многим добродетели образ быв. / Темже молим тя: // моли, преподобне, спасти и просветити души наша.

5. Стих: От стражи утренняя до ночи, от стражи утренняя, / да уповает Израиль на Господа.

Судом Божиим и повелением великаго / паки ко отцу и пастырю в монастырь приходиши / и от него с великою любовию, отче, прие́млещися. / Отонудуже и по преставлении духовнаго твоего́ отца / пастырь от него представляешися тояже обители, / идеже церковь прекрасну в славу Святыя Троицы, / преподобне Никоне, воздвигл еси́, / Юже непрестанно о всех чтущих тя моли́ // спасти и просветити души наша.

6. Стих: Яко у Господа милость и многое у Него избавление: / и Той избавит Израиля от всех беззаконий его.

Егда Божественное наитие найде на тя, преподобне, / тогда мирская возненавидел еси, / и Христу приходиши, / и, Того яремъ возьмем, / по стопам блаженнаго Сергия изволил еси ходити, / идеже образ многим добродетели быв / и многим воздержанием и молитвами / подобник твоему отцу во всем. / Темже молим тя, // молися, преподобне, спасти и просветити души наша.

Слава, глас 2:

Желанием будущих, преподобне, / добродетельно пожил еси́, / чистотою душевною спасительныя пути прошёл еси́ / и гордаго змия воздержанием убил еси́, / Небесная же воинства удивил еси терпением твоим, / чистое приятельще Духа Пресвяго, отче, был еси́. / И сего ради от Вседетельныя Десницы венчался еси́: // моли спастися душам нашим.

И ныне, Богородичен:

Преиде сень законная, / благодати пришедши: / якоже бо купина не сгараше опаляема: / тако Дева родила еси, / и Дева пребыла еси. / Вместо столпа огненнаго, / Праведное возсия Солнце: / вместо Моисея, Христос, // Спасение душ наших.

Вход. Прокимен дне. Чтения 3.

На Литии стихиры, глас 1:

Днесь ликовствует радостно Божественная и великая Лавра/ и хвалится твоими Богоугодными деянии,/ имеющие твоя святая мощи, блаженне Никоне,/ от нихже святыню почерпаем обильно:/ подают бо здравие/ с верою притекающим к честней твоей раце./ темже, просвещшися тобою, глаголем:/ сподоби и нас славы Небесныя Христовы, блаженне,/ и твое стадо сохраняй// и спаси души наша.

Глас 2:

Память твоя во век пребывает,/ преподобне отче Никоне,/ и кротость сердца твоего, угодниче Христов блаженне, просия/ паче солнечнаго сияния,/ озаряющи верных сердца,/ ибо воистину честная рака Божественных мощей твоих,/ яко труба, велегласно свидетельствует,/ благоухающи благодатию Пресвятаго Духа,/ и прогоняющи мрак греховный,/ и нас научающи благодарити и славити Бога,// тебе прославльшаго.

Велия слава жития твоего, отче наш, Никоне,/ вся, яже земная, оставив,/ единаго Христа возлюбил еси/ и, Тому служа чистою совестию,/ на земли Ангельски пожил еси,/ демонския вышениа¹ разорил еси,/ возшед на высоту Небесную:/ блажен еси, яко тако Христу работав./ Темже и мы, тобою путь жизни познавшее,// тя непрестанно ублажаем.

Слава, глас 2:

Преподобне и Богоблаженне отче наш Никоне,/ град живущий Божий,/ выше разума благих восприял еси желания./ Ангельское житие совершив,/ и ныне на Небесех водворяешься,/ исперва подобну доброту образа сохранив/ и на подобствие, якоже мощно,/ восход безпакостно обреет,/ и, Богу со дерзновением предстоя,/ зеркалом разумным чисто зриши Святую Троицу;/ за чтущия тя верою и любовью помолися,// отче наш Никоне.

И ныне, Богородичен воскресен:

О чудесе новаго всех древних чудес!/ Кто бо позна Матерь, без мужа рождшую/ и на руку носящую всю тварь Содержащаго;/ Божие есть изволение Рождшееся./ Егоже яко Младенца Пречистая,/ Твоима рукама носившая,/ и матернее дерзновение к Нему имущая,/ не престай молящи о чтущих Тя,// ущедрити и спасти души наша.

¹ Вышение – высокоумие, городость.

На Стиховне стихиры, глас 2. Подобен: Доме Евфрафов:

Дом Святаго Духа был еси, преподобне,/ зельным пощением, яко благовонными ароматы, // напя дýшу твою.

Стих: Честна пред Господем/ смерть преподобных Его.

Дремания не дал еси очесем твоим, преподобне,/ дондеже душу от страстей свободил еси // и возмездие обрел еси, со Ангелы водворение.

Стих: Блажен муж, бойся Господа,/ в заповедех Его восхощет зело.

Божественным желанием уязвився, преподобне,/ житие непорочно проходя,/ дондеже достигл еси Царского Престола.

Слава, глас 8:

Имяше Божественная твоя душа и непорочная/ Дýха Пресвятаго исполнение,/ отче преподобне Никоне./ От юности нося совершен смысл,/ любовь Христовую разгараяся,/ Тому последовал еси./ Державно над страстями воцарился еси,/ козни демонския, низложь, повергл еси,/ подвиг течения твоего совершил еси./ И ныне во Свете невечернем водворяясь/ и Троице со Ангелы предстоя,/ моли избавитися стаду твоему/ от видимых и невидимых враг // и спасти души наша.

И ныне, Богородичен:

Безневестная Дево,/ Яже Бога неизреченно заченши плотию,/ Мати Бóга Вышняго,/ Твоих рабов мольбы прими, Всенепорочная,/ всем подаючи очищение прегрешений:/ ныне наша моления приемлющи, // моли спастися всем нам.

Тропарь, глас 1:

Послушания добрый рачитель быв,/ преподобне Никоне приснопамятне,/ Церковь бо прекрасну Святыя Троицы/ в похвалу отцу твоему воздвигл еси./ Темже и мы, чада твоя, любовью вопиём ти:/ слава Давшему ти крепость,/ слава Венчавшему тя, // слава Действующему тобою всем исцеления.

И ныне: Богородичен:

Гавриилу вещавшу Тебе Дево, радуйся,/ со гласом воплощашеся всех Владыка,/ в Тебе Святем Кивоте,/ якоже рече праведный Давид:/ явилася еси ширшая небес,/ поносивши Зиждителя Твоего./ Слава Всельшемуся в Тя:/ слава Прошедшему из Тебе:// слава Свободившему нас Рождеством Твоим.

**Слава, ин тропарь, общий, преподобным
Сергию и Никону Радонежским, глас 8:**

Яко трисвѣтлаго солнца светозърныя звезды,/ Трѳйческим светом озаряет сердца вѣрных,/ сосуды Света Пресвятыя Троицы явльшеся,/ и предивным вѣшим житиѣм/ иноком бысте тверди законоположителіе,/ и церквам благолепие, и благоверным, и святителем, и всем людем,/ всѧ бо дѣмонскія скверны отгнавшѧ отвсюду/ вѣшими чистыми учѣнии и дѣлы,/ дѳброе упасосте стадо, сѳбранное вѣми,/ но и ныне молим вас: посещайте чѣд своѣх,/ яко имущіе дерзновение ко Святей Трѳице,/ Богомудре, Сергіе с чудным учеником своим Нѣконом, // и молитѧ Христа Бога да спасет души нѣша.

И ныне, Богородичен воскресен по гласу:

Иже нас ради рождѣйся от Дѣвы/ и, распятіе претерпѣв, Благій,/ испровергий смѣртію смѣрть/ и Воскресеніе явлей яко Бѳг,/ не прѣзри, яже создал еси рукою Твоѣю;/ яви человеколѳбие Твое, Мѣлостиве./ Приими рѳждшую Тя, Богородицу, молящуюся за ны, // и спаси, Спѣсе наш, люди отчѣянные.

На Утрени

На Бог Господь: Тропарь святаго дважды. Слава, и ныне, Богородичен.

Таже степенна, 1-й антифон 4-го гласа. Прокимен: Честна пред Господем смерть преподобных Его. **Стих:** Что воздам Господеву о всех, яже воздаде ми? **Всякое дыхание: Евангелие от Матфея, зачало 43.**

Полиелей.

Величание: Ублажаѣм тя,/ Преподѳбне ѳче Никоне,/ и чтим святую пѣмѣть твою,/ наставниче монахов/ и собесѣдниче ѳнгелов.

Псалом избранный: Терпѧ, потерпѣх Гѳспода, и внят ми, и услыша молитву мою. **Постави** на камени нѳзе мои и исправи стопы моя. **Се** удалѣхся, бѣгая, и водворѣхся в пустыни. **Уподобѣхся** неясоти пустынной. **Бдех** и бых, яко птица, осѳбѣщаяся на зде. **Колѣна** моя изнемогѳста от поста, и плоть изменѣся елѣя ради. **Слезѣми** моими постѣлю мою омочу. **Яко** обыдоша мя пси мнози, сонм лукавых одержаша мя. **Напрягоша** лук свой вещь горьку, состреляти в тайнах непорѳчнаго. **Презрѣх** Гѳспода предо мною выну, яко одесную менѣ есть, да не подвижуся. **Вси** языцы обыдоша мя, и именем Господним противляхся им. **Благословен** Господь, Иже не даде нас на ловѣтву зубѳм их. **Да** исповѣдятся Тебѣ, Господи, вся делѣ Твоѣ, и преподѳбнии Твои да благословѧят Тя. **И** увѣдите, яко удивѣ Господь преподѳбнаго Своего. **И** утрудѣся во век, и жив бѳдет до конца. **Хранит** Господь души преподѳбных Своих. **Восхвалят**ся

преподобнии во славе и возрадуются на ложах своих. **Честна́ пред Господем** смерть преподобных Его́, исповедайте память святыни Его, во всех людех чудеса́ Его. Слава, и ныне: Аллилу́ия: **Трижды.**

По Евангелии:

Слава: Молитвами преподобнаго Никона:

И ныне: Молитвами Богородицы:

Таже: Помилуй мя Боже:

По 50-м псалме стихира, глас 6:

От юности, преподобне, изволил еси Богу работати,/ тогда духовное рачение распали́ душу твою,/ и, вскоре родители оставив,/ великаго отца достигл еси./ Он же, видев твое душевное желание,/ в мале искушение налагает/ да ты сотворит теплейша рачителя;/ ты же смирение показуеши,/ реченнаго отцем достигаеши/ и от него навы́кл еси добродетелем,/ ко отцу паки возвращаеши-ся/ и пастырь поставляешися./ И ныне, преблаженне Никоне,/ предстоя Престолу всех Царя,/ испроси мир миру, и Церкви Российстей утвержде-ние, // и спасение душам нашим.

Канон Богородицы со ирмосом на 6, и преподобнаго канон на 8. Творение па-хомия иеромонаха, иже от Святыя Горы, егоже краегранёсие: Похвалу бла-женному Никону тку. Глас 4.

Песнь 1. Ирмос:

Катавасия: Отвѣрзу уста моя́,/ и напо́лнятся Ду́ха,/ и слово отрыгну Царице Ма́тери,/ и явлюся светло торжествую́я, // и воспою ра́дуяся То́я чудеса́.

Песнь 3. Ирмос:

Катавасия: Твоя песнословцы Богоро́дице,/ живый и незави́стный ис-то́чнице,/ лик себе совокупльшия, духовно утверди́,/ в божественней Твоей сла́ве // венцев сла́вы сподоби.

Ин кондак, общий, преподобным

Сергию и Никону Радонежским, глас 8. Подобен: Взбранной:

В постницах приобщившееся Великому Анто́нию/ и Евфимию Иеруса-лимскому поревновавшее в по́двизех,/ яко Ангели, на земли яви́стеся,/ просвещающе, преподобнии, ве́рных серде́ц/ Божественными зна́мении и чу-десы́ повсегда́,/ сего ра́ди радостно вас почитаем и любовью вопие́м ва́м:/ ра́дуйтеся, преподобнии отцы, Сергие и Ни́коне, // по́стником удобрение и всея Российския земли великое утвержде́ние.

Песнь 4. Ирмос:

Катавасия: Седя́й в сла́ве,/ на престоле Божества,/ во облаце лёгце,/ прииде Иисус Пребожественный,/ нетленною дланию,/ и спасе зовущия:// слава, Христэ, силе Твоей.

Песнь 5. Ирмос:

Катавасия: Ужасошася всяческая/ о божественней сла́ве Тво́ей:/ Ты бо Неискусобрачная Дёво,/ имела еси во утробе над всеми Бóга,/ и родила еси Безлетнаго Сы́на,/ всём воспева́ющим Тя// ми́р подава́ющая.

Песнь 6. Ирмос:

Катавасия: Божественное сие и всечестно́е/ соверша́юще пра́зднество/ богомудрии Богома́тере,/ приидите руками восплещим,// от Нея рождагося Бóга славим.

Кондак, глас 4. Подобен: Явился еси:

Духовному твоему настоятелю, отче Никоне,/ всячески прилепился/ и от него наставля́емь,/ во всём Христови порабо́тисья,/ монахов был еси чиновнача́льник/ и преподо́бных сожитель,// с нимиже Христа Бога моли непрестанно о всéх нас.

Песнь 7. Ирмос:

Катавасия: Не послужиша твари богомудрии/ па́че Созда́вшего,/ но огненное прещение мужески попра́вше,/ радовахуся поюще:// препетый отцев Господь и Бóг благословён еси.

Песнь 8. Ирмос:

Катавасия: Отроки благочестивыя в пещи́,/ Рождество Богородичо спасло́ есть,/ тогда убо образу́емое,/ ныне же де́йствуемое,/ вселенную всю воздвизает пéти Тебе́:/ Го́спода пойте дела́,// и превозносите Его́ во вся веки.

Песнь Пресвято́й Богоро́дицы:

Вели́чит душа́ Моя́ Го́спода,/ и возра́довася дух Мой о Бóзе Спа́се Моём.

Честне́йшую Херувим/ и Сла́внейшую без сравне́ния Серафим,/ без ислéния Бóга Сло́ва рóждшую,/ сущую Богоро́дицу, Тя велича́ем.

Яко призрэ на смире́ние рабы́ Своея́,/ се бо от ны́не ублажа́т Мя вси рóди.
Честне́йшую...

Яко сотвори́ Мне вели́чие Си́льный,/ и свя́то Имя Его́, и ми́лость Его́ в рóды

родов боящимся Его. **Честнейшую...**

Сотвори державу мышцею Своею, / расточи гордыя мыслию сердца их. Честнейшую...

Низложи сильные со престол, и вознеси смиренные; / алчущия исполни благ, и богатящиеся отпусти тщи. Честнейшую...

Восприят Израиля отрока Своего, помянути милости, / якоже глагола ко отцем нашим, Аврааму и семени его, даже до века. Честнейшую...

Песнь 9. Ирмос:

Катавасия: Всяк земнородный / да възиграется Духом просвещаемь, / да торжествует же безплотных умов естество, / почитающее священное торжество Богоматере, / и да вопиет: / радуйся Всеблаженная // Богородице, Чистая Приснодево.